



অবিলম্বে প্রকাশের উদ্দেশ্যে: 7/17/2024

গভর্নর ক্যাথি হোকল

গভর্নর হোকল ক্যাম্প হলিসকে ভবিষ্যতের বন্যা এবং উচ্চ-জলের প্রবাহ থেকে সুরক্ষিত রাখার জন্য স্থিতিস্থাপকতামূলক প্রকল্পের সমাপ্তি ঘোষণা করেছেন

সম্পন্ন করা প্রকল্পটি ক্যাম্প হলিস বরাবর উপকূলরেখাকে স্থিতিশীল রাখে এবং গ্রীষ্মকালীন ক্যাম্প চালু ও নিরাপদ তা নিশ্চিত করে

লেক অন্টারিও এর টেকসই এবং অর্থনৈতিক উন্নয়ন উদ্যোগের একটি অংশ হলো নিউ ইয়র্ক স্টেটের 300 মিলিয়ন মার্কিন ডলার অর্থ

প্রকল্পটি গভর্নরের অফলাইনে যান, বাইরে ভ্রমণ করুন উদ্যোগকে সমর্থন করে

প্রকল্পটির আগের এবং পরের ফটোগুলো পাওয়া যাবে [এখানে](#)

গভর্নর ক্যাথি হোকল আজ ক্যাম্প হলিসকে ভবিষ্যতে বন্যা এবং উচ্চ-জলের প্রবাহ থেকে সুরক্ষিত রাখার জন্য একটি প্রকল্পের নির্মাণ সমাপ্তির ঘোষণা দিয়েছেন। ওসওয়োগো টাউনে অবস্থিত, ক্যাম্প হলিস শিশুদের জন্য একটি গ্রীষ্মকালীন ক্যাম্প যা প্রতি বছর 2,000-এরও বেশি যুব বয়সীদের ঝুঁকিপূর্ণ বিনোদনের সুযোগ প্রদান করে, পাশাপাশি এটি ব্যক্তিগত ইভেন্টগুলোর ক্ষেত্রেও একটি বিশেষ স্থান। সম্পূর্ণ স্থিতিস্থাপকতামূলক এই প্রকল্পটি লেক অন্টারিওর উপকূলরেখার প্রায় 600 ফুট স্থিতিশীল রাখার পাশাপাশি ক্যাম্পের ফ্যাসিলিটিগুলো বরাবর আরো ক্ষয় এবং ঢালের সম্প্রসারণ রোধ করে, ঐতিহাসিক ক্যাম্পটি ক্যাম্পার এবং আগত দর্শনার্থীদের জন্য উন্মুক্ত তা নিশ্চিত করতে সহায়তা করে। এই প্রকল্প গভর্নর ক্যাথি হোকলের [“অফলাইনে যান, বাইরে বেড়াতে যান \(Get Offline, Get Outside\)”](#) উদ্যোগকে আরো সমর্থন করে, যা নিউ ইয়র্কের শিশু ও পরিবারকে তাদের ফোন ও কম্পিউটার রেখে দিতে, সোশ্যাল মিডিয়া থেকে একটি বিরতি নিতে, এবং বিনোদন ও ঘরের বাইরের সামাজিক জমায়েতে উপভোগ করতে সহায়তা করার মাধ্যমে শারীরিক ও মানসিক স্বাস্থ্যের উন্নতির জন্য এই মাসের প্রথমদিকে লক্ষ্য করা হয়েছিল।

“নিউ ইয়র্কের অনেক কমিউনিটি জলবায়ু পরিবর্তনের প্রভাবের কারণে ঝুঁকিতে রয়েছে এবং REDI প্রোগ্রামের মতো উদ্যোগগুলো উপকূলীয় কমিউনিটিগুলোকে তাদের অবকাঠামো, পরিবার এবং ব্যবসার সুরক্ষায় সহায়তা করে,” **গভর্নর হোকল বলেন।** “ক্যাম্প হলিস প্রকল্পটি প্রিয় ক্যাম্পটিকে রক্ষা করতে সাহায্য করার জন্য বন্যার মতো প্রাকৃতিক দুর্যোগ থেকে রক্ষার

ব্যবস্থা সুসংহত করবে, এটি শিশুদের জন্য উন্মুক্ত রাখবে যাতে আগামী প্রজন্ম উপভোগ করতে পারে।”

নিউ ইয়র্ক স্টেট স্টেটের লেক অন্টারিও রেজিলিয়েন্সি অ্যান্ড ইকোনমিক ডেভেলপমেন্ট ইনিশিয়েটিভ (Resiliency and Economic Development Initiative, REDI)-এর মাধ্যমে ওসওয়েগো কাউন্টিকে 500,000 মার্কিন ডলারের প্রকল্পে অনুদান প্রদান করেছে। তীব্র ঝড়ের ফলে সৃষ্ট ঢেউ এবং অনুভূমিক বরফের চাপ, ক্রমাগতভাবে খাতের নিচের অংশ ক্ষয় করেছে, ফলে খাতটি ভেতরে ঢুকে ক্যাম্প হলিসের খেলার মাঠ ও ফ্যাসিলিটিগুলো ক্ষতিগ্রস্ত করেছে এবং ক্যাম্পের দর্শনার্থীদের জন্য বিপজ্জনক পরিস্থিতি সৃষ্টি করেছে।

নির্মাণকৃত প্রকল্পের স্থিতিস্থাপকতার বৈশিষ্ট্যগুলোর মধ্যে রয়েছে একটি পুনরুদ্ধার করা ঢাল সহ একটি অনশোর রিপ্র্যাপ রিভেটমেন্ট সিস্টেম ইনস্টল করা। উপরন্তু, সম্ভাব্য ক্ষয়-ক্ষতি কমাতে এবং ঢালের নিচের অংশ রক্ষা করতে রেভেটমেন্ট ও ঢালের মাঝে গাছপালা লাগানো হয়েছে। ডিপার্টমেন্ট অব এনভায়রনমেন্টাল কনজারভেশন (The Department of Environmental Conservation, DEC) কাউন্টির প্রকল্পটি বাস্তবায়নে তত্ত্বাবধান করেছে।

নিউ ইয়র্ক স্টেট ডিপার্টমেন্ট অব এনভায়রনমেন্টাল কনজারভেশনের অন্তর্বর্তীকালীন কমিশনার শেন মাহার বলেন, “ক্যাম্প হলিসের উন্নয়নগুলো জলবায়ু পরিবর্তনের ফলে সৃষ্ট বন্যা এবং ঝড়ের ঘটনা থেকে ক্ষয়ের প্রেক্ষাপটে একটি গুরুত্বপূর্ণ উপকূলরেখাকে সুরক্ষিত রাখে যা পরবর্তী প্রজন্মের ক্যাম্পার এবং যুব বয়সী পরিবেশগত স্টুয়ার্ডদের জন্য আজীবন স্থায়ী স্মৃতি তৈরি করার সুযোগ সংরক্ষণ করে রাখে। গভর্নর হোকলের সহায়তায়, DEC ওসওয়েগো কাউন্টিতে REDI মিশনকে এগিয়ে নিতে সাহায্য করতে পেরে গর্বিত, যাতে ক্যাম্প হলিসের মতো মূল্যবান ল্যান্ডমার্কগুলো ক্যাম্পার এবং আগত দর্শনার্থীদের জন্য আরো 78 বছর সাশ্রয়ী মূল্যের আউটডোর বিনোদন উপভোগ করার জন্য সংরক্ষণ করা যায়।”

REDI-এর কো-চেয়ার এবং এম্পায়ার স্টেট ডেভেলপমেন্টের প্রেসিডেন্ট, সিইও ও কমিশনার হোপ নাইট বলেন, “ঠিক গ্রীষ্মকালে, ওসওয়েগোতে ক্যাম্প হলিস বন্যা প্রতিরোধক প্রকল্পটি সম্পন্ন হয়েছে। ক্যাম্পার এবং দর্শনার্থীগণ অবশ্যই এই গুরুত্বপূর্ণ অবকাঠামোগত উন্নয়ন কার্যক্রমের প্রশংসা করবে যা ভবিষ্যতে বন্যা ও ক্ষয়ের হাত থেকে তাদের প্রিয় ক্যাম্পকে রক্ষা করবে। প্রকল্পটি গভর্নর হোকলের অনেকগুলো REDI প্রকল্পের মধ্যে সর্বশেষ একটি যা জলের কাছাকাছি বসবাস করা কমিউনিটিগুলোকে বন্যার ক্ষতির হাত থেকে রক্ষা করতে সাহায্য করছে।”

নিউ ইয়র্ক স্টেট ডিপার্টমেন্ট অব ট্রান্সপোর্টেশন কমিশনার মেরি থেরেসি ডমিঞ্জুয়েজ বলেন, “ওসওয়েগো কাউন্টির একজন REDI কমিশনার এবং নিয়মিত দর্শনার্থী হিসেবে, বিমোহিত করা লেক অন্টারিওর উপকূলরেখা আমার হৃদয়ে একটি বিশেষ স্থান দখল করে রেখেছে, ঠিক যেমনটি REDI কমিশন তার প্রতিরক্ষা ব্যবস্থাকে শক্তিশালী করার জন্য যে কাজটি করেছে। ক্যাম্প হলিস ঝুঁকিপূর্ণ যুব বয়সীদের ভবিষ্যৎ সাফল্যের পথে রাখার জন্য একটি অমূল্য পরিষেবা প্রদান করে। প্রকল্পটি এই বিশ্বয়কর গ্রেট লেক প্রতিষ্ঠানকে শক্তিশালী করতে সাহায্য করেছে যা এখন এবং ভবিষ্যতে এর কার্যকারিতা নিশ্চিত করবে। সংশ্লিষ্ট সকলকে

অভিনন্দন - এটি একটি অত্যন্ত গুরুত্বপূর্ণ উদ্দেশ্য পূরণ সহ একটি স্থিতিস্থাপকমূলক প্রকল্প ছিল এবং গ্রীষ্ম মৌসুমে এটি সমাপ্তির ধারায় রয়েছে দেখে আমি উচ্ছ্বসিত।”

নিউ ইয়র্ক স্টেট অফিস অব জেনারেল সার্ভিসেস কমিশনার জিনেট ময় বলেন, “ওসওয়েগো কাউন্টির ক্যাম্প হলিস কাউন্টির হাজার হাজার বাসিন্দাদের জন্য একটি স্বাগতপূর্ণ স্থান, বিশেষ করে ঝুঁকিপূর্ণ যুব বয়সীদের জন্য যারা ক্যাম্প সংশ্লিষ্ট অনেক বিনোদনমূলক সুযোগের সদ্যবহার করে। ক্যাম্প হলিস প্রকল্পটি নির্দেশ করে যে কিভাবে গভর্নর হোকলের নেতৃত্বে REDI উদ্যোগটি অন্টারিও লেক এবং সেন্ট লরেন্স নদীর তীরে অবস্থিত কমিউনিটিগুলোকে বন্যা-প্রবণ এলাকায় গুরুত্বপূর্ণ পাবলিক সম্পদ পুনঃনির্মাণ ও সুরক্ষায় সহায়তা করছে।”

স্টেট সিনেটর জন ডব্লিউ ম্যানিয়ন বলেন, “স্টেটের REDI প্রোগ্রামের মাধ্যমে অর্থায়ন করা এই প্রকল্পটি নিশ্চিত করে যে ক্যাম্প হলিস হাজার হাজার ঝুঁকিপূর্ণ যুব বয়সীদের জন্য একটি নিরাপদ এবং স্বাগত জানানোর জায়গা রয়েছে যারা প্রতি বছর এর প্রোগ্রামগুলো থেকে উপকৃত হয়। ভবিষ্যত প্রজন্মের জন্য পরিবেশ রক্ষা করতে এবং আমাদের কমিউনিটির অবকাঠামো উন্নত করে এমন উদ্যোগগুলোকে সহায়তা করতে আমি সম্পূর্ণরূপে প্রতিশ্রুতিবদ্ধ। উপকূলরেখাকে স্থিতিশীল করা এবং এই মূল্যবান ওসওয়েগো কাউন্টির কমিউনিটি রিসোর্স বাড়ানোর জন্য আমি গভর্নর হোকল এবং DEC-এর নেতৃত্বের জন্য তাদের প্রতি কৃতজ্ঞ।”

অ্যাসেম্বলিমেন্টার উইল বার্কলে বলেন, “ক্যাম্প হলিসে এই গুরুত্বপূর্ণ প্রকল্পটি সম্পন্ন হয়েছে দেখে আমার খুবই ভালো লাগছে। উপকূলরেখার স্থিতিশীলতার ফলে এই ফ্যাসিলিটিটির স্থায়িত্ব নিশ্চিত হবে যা গ্রীষ্মকালীন ক্যাম্পের অভিজ্ঞতা গ্রহণের জন্য সব বয়সের ছেলেমেয়েদের একটি মাধ্যম সরবরাহ করতে থাকবে। স্টেটের বিনিয়োগ নিশ্চিত করেছে লেক অন্টারিওর উপকূলরেখা নিরবিচ্ছিন্ন থাকবে এবং এটি আরো ক্ষয় রোধ করবে। আমি ক্যাম্প হলিস এবং কমিউনিটির উপর এর ইতিবাচক প্রভাব দেখার জন্য অধীর অপেক্ষায় রয়েছি।”

ওসওয়েগো কাউন্টির আইনসভার চেয়ারম্যান জেমস ওয়েদারআপ বলেন, “ক্যাম্প হলিসে শোরলাইন স্ট্যাভিলাইজেশন প্রকল্পের লক্ষ্য হলো আমাদের লেক অন্টারিও উপকূলরেখা এবং বিভিন্ন আবহাওয়ার ধরন থেকে আমাদের ফ্যাসিলিটিগুলো সুরক্ষিত রাখা, বজায় রাখা এবং নিরাপদ রাখা। আপনি জানেন যে ওসওয়েগো কাউন্টি তার তীব্র শীত এবং বাতাসের জন্য পরিচিত। লেক অন্টারিও উপকূলে মারাত্মক ঝড় ক্যাম্প হলিস বরাবর ঢালগুলোর ক্ষয় সৃষ্টি করেছে যেখানে উপকূলরেখা স্থিতিশীলকরণ প্রকল্প এই সমস্যাগুলোর সমাধান করেছে।”

অন্টারিও লেক এবং সেন্ট লরেন্স নদীর তীরে বন্যা হওয়ার প্রসারিত ধরনের প্রতিক্রিয়া হিসেবে উপকূলীয় কমিউনিটিগুলির স্থিতিশীলতা বৃদ্ধি করতে এবং অঞ্চলের অর্থনৈতিক উন্নয়ন জোরদার করার জন্য নিউ ইয়র্ক স্টেট REDI প্রতিষ্ঠা করে। পাঁচটি REDI আঞ্চলিক পরিকল্পনা কমিটি যা আটটি কাউন্টির অংশগ্রহণে গঠিত (ন্যায়াগ্রা এবং অরলিন্স, মনরো, ওয়েইন, কায়ুগা এবং ওসওয়েগো এবং জেফারসন এবং সেন্ট লরেন্স), স্থানীয় অগ্রাধিকার, ঝুঁকিপূর্ণ পরিকাঠামো এবং অন্যান্য সম্পদ এবং জননিরাপত্তা সংক্রান্ত উদ্বেগ চিহ্নিত করার জন্য প্রতিষ্ঠিত হয়েছিল। REDI এর মাধ্যমে অন্টারিও লেক এবং সেন্ট লরেন্স নদীর তীরবর্তী অঞ্চলে

কমিউনিটির সুযোগ-সুবিধা বাড়াতে এবং স্থিতিশীলতা উন্নত করার জন্য স্টেট 300 মিলিয়ন মার্কিন ডলার পর্যন্ত প্রতিশ্রুতি দিয়েছে।

2019 সালের বসন্তে স্টেটের REDI প্রোগ্রাম তৈরির পর থেকে 134টি REDI অর্থায়িত স্থানীয় এবং আঞ্চলিক প্রকল্প চলছে, যার মধ্যে 26টি প্রকল্প নকশা পর্যায়ে, 20টি প্রকল্প নির্মাণ পর্যায়ে এবং 88টি প্রকল্প সম্পন্ন হয়েছে।

আরো তথ্য, প্রজেক্ট প্রোফাইল ও REDI বিষয়ক সংবাদের জন্য, [এখানে](#) ক্লিক করুন।

অফলাইনে যাও এবং ঘরের বাইরে যাও

এই মাসের শুরুতে গভর্নর হোকল "অফলাইনে যাও, বাইরে যাও" গ্রীষ্মকালীন ক্যাম্পেইন শুরু করেছেন, যা নিউ ইয়র্কের শিশু ও পরিবারকে তাদের ফোন ও কম্পিউটার রেখে দিতে, সোশ্যাল মিডিয়া থেকে একটি বিরতি নিতে, এবং বিনোদন ও ঘরের বাইরের সামাজিক জমায়েতে উপভোগ করতে সাহায্য করার মাধ্যমে শারীরিক ও মানসিক স্বাস্থ্যের প্রসার করবে। এই গ্রীষ্মকালে নিউ ইয়র্ক স্টেটের সুইমিং পুলের এন্ট্রি ফি স্টেট মণ্ডকুফ করছে এই ঘোষণা প্রদানের মাধ্যমে গভর্নর হোকল ক্যাম্পেইনটির সূচনা করেন। পাশাপাশি, নিউ ইয়র্ক আরো সাঁতারের জন্য স্টেটব্যাপী বিনিয়োগ (New York Statewide Investment in More Swimming, NY SWIMS) উদ্যোগের অংশ হিসেবে সাঁতার শিখতে যাওয়ার ক্ষেত্রে পরিবহনে সাহায্য করার জন্য গভর্নর হোকল 1.5 মিলিয়ন মার্কিন ডলারের শিশুদের সাঁতারের নির্দেশনার সাথে যুক্ত করার পরিবহন অনুদান (Connect Kids to Swimming Instruction Transportation Grant) কর্মসূচি ঘোষণা করেছেন। এটি সুবিধাবঞ্চিত সম্প্রদায়সমূহে পুল সমর্থন করার জন্য গভর্নরের ঐতিহাসিক 150 মিলিয়ন মার্কিন ডলার NY SWIMS বিনিয়োগের অনুবর্তী, যা নিউ ডিলের (New Deal) পর সাঁতারে নিউ ইয়র্কের বৃহত্তম বিনিয়োগ।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)